

2 Yaolhaq

Gevq-a nail gaq

Haoqgavq niil keiv neq, khaq sil gaq-i mail gevg-a nail dai, aqduq aqtsil tsil dai maq gevg-ai thaq-al. Thailhai ngaol-aoq, milnee uqnee khe Khali yaq juq Gaqkhoel Yaolhaq-i mail gevg-a nail ngaol dai, noeq nail ngaol. Khul khi mail dai ngal-aq, haoqgavq niil keiv neq, 1 Yaolhaq nail haoqgavq khi mail lavqkhiq tsail nail geeqlaoq daoq Yaolhaq nail haoqgavq khe-ai, maodai dul lai ngaol.

Gevq-a nail aqyanq khi mail aqduq

Gevq-a nail aqyanq neq, A.D. 85-95 kovq nail gaiqlaq bhai ngaol. Gevg-a nail aqduq neq, Eilpheilsu meenq bhai ngaol dai, noeq nail ngaol. Haoqgavq niil keiv neq, 1 Yaolhaq nail haoqgavq gevg gaq khi, maq maq maq heel lal mail gevg thaq nail ngaol. Khul khi mail dai ngal-aq, gevg-a nail ganl bhai heldaiq-u phao, haoqgavq niil nvq keiv maodai dul lai nail ngaol.

Khaq sil gaq bhai gevg bhiq-a nail

Haoqgavq niil keiv neq, Yaolhaq aivq-i mail gevg-a nail dai, aqmil maq gevg bhoel-ai thaq nail nee ovqtavq, aivq khaq sil gaq bhai gevg bhiq nail dai, oil nail gaq nail aqmil iqsanl maq gevg bhoel-ai thaq-al. Thailhai ngaol-aoq, Miqyail-i mail tsel dov-ai thaq nail yaqmai-aq teevq gaq bhai khi mail, aivq nail yaq juq bhai gevg bhiq-a nail ngaol dai, gevg-ai thaq nail

ngaol. Khul khi mail dai ngal-aq, yanq al yanq bhai khoeq nail jiovq nail phaƣ jiaƣ nail ngel-i mail, niil gaq al gaq dai, aqmil maq bhi heeq nia dai, ya yaolphaol nail ngaol. Alheel ngel-i mail, yu maq bhi heeq nia dai, Khali yaq munl teevq munl bhai gevq bhiq thaq nail ngaol dai, noeƣ nail ngaol.

Khul bhai noeƣthunq khi gevq-a nail

Haoƣgavq niil keiv neq, Yaolhaq aivq-i mail gevq bhiq-a nail Khali yaq munl al munl bhai maldil tsaq nail lavqkhoel khi mail goil nail gaiq-a nail lavqkhoel bhai tsao nail bhai tsiqeeq bhiq-a nail nee ovqtavq, gaq bivq nail haqboil gevq-a nail ngaol. Al ovqtavq, cavq bheeƣ nail juq teevq dao nee teevq dao tsao tsao-ail, cavq thail cov thailthaiq nail bhai yaolphaol yaoq dai iqsanl, gevq bhiq-a nail ngaol.

Iqmoeq ilmoeq khe daoq

¹ Ngal neq, Khali yaq munl bhai heldaiq phail nail aqvq teevq gaq ngaol. Miqyail-i mail tsel dov-ai thaq nail yaqmai-aq teevq gaq* bhai khi mail, aivq nail yaq juq bhai haoƣgavq niil keiv gevq bhoel-ai leevq-a nail ngaol. Maldil tsaq nail lavqkhoel ngal nuljuq bhai gaiq-a nail ngaol. Ngal taivq-ail maq ngel-ail. Maldil tsaq nail phaƣ bhai khal heeq nia nail tsaol-aq juq iqsanl mail nuljuq bhai gaiq-a nail ngaol. ² Ngadao nail lavqkhoel bhai aol nail maldil tsaq nail phaƣ bhaqda nee ngal nuljuq bhai gaiq-a nail ngaol.

* **1:1** 1.1 Khali yaq munl bhai ge movq nail ngaol.

Maldil tsaq nail pha q al neq, nqmaq maqluv halyeel ngadao nee jaol nail ngaol.

³ Aqbhu Miqyail khi mail Aqbhu Miqyail nail Yaqyov Yeiqsul Khali nail geeqlaoq eel-jaol maqkhaiq, gaoqhaq gaiq-a lavq nail pha q maqkhaiq, neesal-ovq nail pha q maqkhaiq, al hail pha q iqsanl, maldil tsaq nail pha q khi mail goil nail gaiq-a nail pha q nail lavqkhoel nee ngadao nail kovtavq bhai jiav dei-eiq.

Khali-i mail cavq lavq cov lavq-a nail khe-ai, aqdoevq doevq yaoq

⁴ Aqbhu Miqyail-i mail ngadao bhai daoq khal bivq-ai tha q nail khe-ai, nuljuq nail ya q teevq pav ganav juq maldil tsaq nail pha q nail haoqnao tsaothe thailthaiq nail bhai, ngal ya moel-a nail ngel-i mail, lavqkhiq tsail deede-ail nial.

⁵ Yaqmai-aq ol, ngadao juq teevq ga q nee teevq ga q gaiq-a bhel dai, niil aq-il ngal naoq bhai hal nail ngaol. Gaiq-a nail niil neq, bivq tha q-ail ceevq-a nail daoq aqsivq daoq, ngal naoq bhai gevq bhoel-ai leevq-a nail ma q ngel. Iqmoeq-u nee ngadao-i mail ya-ai tha q nail daoq al daoq ngal naoq bhai gevq bhoel-ai leevq-a nail ngaol. ⁶ Goil nail gaiq-a nail pha q dai, ge nail neq, Miqyail-i mail daoq bivq-ai tha q nail khe-ai, naldaiq khi nl tsao hal tsao nail bhai ge nail ngaol. Goil nail gaiq-a nail haoqnao tsaother-aivq yaoq dai, bivq-ai tha q nail daoq niil daoq bhai, iqmoeq-u nee mail, nuljuq ya gaiq-a nail ngaol.

⁷ Yeiqsul Khali neq, tsaol-aq ya q nail aqsivq haqjoil phi khi yavq kha lee-a nail ma q ngel-ail dai, goiqbhaoq bhaoq nail tsaol-aq juq maodai

miltsaq kovtavq bhai cavq doi ail-a nail ngaol. Alhai ge nail tsaol-aq juq neq, goiqbhaog bhaog nail tsaol-aq pevq khi, Khali bhai genl dev nail tsaol-aq ngaol. ⁸ Alheel ngel-i mail, nuljuq-i mail nl-a hal-a nail pha qagnieivq-ail maq bhi peivq-ail dai, Miqyail-i mail nuljuq bhai bivq nail dai lainq-ai tha q nail aqphoiq bhai, teevq bhee teevq lovq ya kivq dai, yaolphaol yaoq. ⁹ Khali-i mail cavq lavq cov lavq-a nail khe-ai maq doevq dai, maq ngel nail phao al jai q ail jel nail tsaol-aq khul ga q maqkhai q, Miqyail bhai maq tavq-ail. Khali-i mail cavq lavq cov lavq-a nail khe-ai doevq nail tsaol-aq neq, Aqbhu Miqyail bhai iqsanl, Yaqyov bhai iqsanl ya-a nail ngaol. ¹⁰ Alheel ngel-i mail, tsaol-aq teevq ga q ganav Khali-i mail cavq lavq cov lavq-a nail dao q maq cavq maq cov dai, nuljuq jaol nail bha lal ha q neq, ilkhaol lavqkhoel bhai iqsanl tha q hav bhoel. Aivq bhai tha oqphu q-u phao dao q iqsanl tha q ge tsa oq. ¹¹ Khul khi mail dai ngal-a q, alheel nail tsaol-aq bhai tha oqphu q-u phao, dao q ge tsa oq nail ga q neq, aivq ha qeiv nail pha q nl nail bhai, nl tsao bhi q nail khe-ai, dul lai nail ngaol.

Haoqnao naosaq khe dao q

¹² Ngal nuljuq bhai gevq bhoel-ai leevq heeq pha q-ail maodai jia v khi ngaol-a oq, haoqgavq aqpavq khi mail haoqgavq dailkheq-i maq gevq movq-il. Ngadao ju q lavqkhi q tsail nail pha q bhee lal dai, ngal nuljuq jaol nail bha lee khi, nuljuq nee dao q ge tsa oq movq-ail nial. ¹³ Nao q

bhai noeq moel naol dai, Miqyail-i mail tsel dov-
ai thaq nail naoq nail nailma nail yaq juq naoq
bhai daoq cavq cavq bhoel-ai leevq-a nail ngaol.

Jalliq aqsivq Gaolkheel daoq
Akeu: Jalliq aqsivq Gaolkheel daoq New Testament
copyright © 2015 Wycliffe Bible Translators, Inc.

Language: Gaolkheel (Akeu)

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022
aaaba9fd-8172-55cc-ad15-906f43ddb5a5